

# فیه فی الحقیقۃ

— (بی) هر شهر عربی ابتدا سیاه اون بشنده نشر اولنور (بی) —

جلد ۵ — جزو ۵۰ [ فی ۱۵ ذی الحجه سنه ۱۳۰۳ ] نسخہ می ۳ غروش

بیایردی. جوانی یازلیه حق مکتوبلری ایسه حفظ ایتمک معنای اولدیغندن  
ییرتوب آئاردی.

فره دریق اولوچ قلعه سندن مفارقت ایلدکن صکره آوستریالیلر  
خطوط محاربه دینی کاملاً ضبط ایش اولمئندن تمام اوچ هفته هج بر مکتوب  
آلاماش ایدی. نهایت یگریمی گوندن صکره بر قاج چانطه نی مستصحب  
اولدینی حالد بر پوسته جی ظهور ایلدی. قرال مکاتیک و صولنه اودرجه لرده  
مشتاقانه انتظار اوزره ایدی که پوسته جینک گتیردیگی چانطه لرک جهله سنی  
اوطه سنه جلب ایدرک کاتب خصوصیی (آهل) نزدنده بولندینی حالد  
چانطه لری فرط تهالکله آچهرق ایچارنده کی مکتوب یا کتارینی، او یا کتارک  
کندیسنه عائد اولوب اولدیغنه دقت ایتمکمزین آچوب اوقومغه باشلامشدر.  
نهایت موسیو آهل کندیسنه عائد اولمیان محقراتی دخی اوقومقده اولدیغنی  
احضار ایشکله عقلی باشه گله رک بشقه لرینک مکتوب بلرینی ترک ایشلشدر.  
بو وقعه پک تحف اولمش ایدی. قرال مکتوبلره اوقدر اشتیاق  
ایله صارلمش ایدی که مکتوبلرک بعضیسی تمامیه بوزشمش و برطاقی یرتلش  
ایدی.

( مابعدی وار )

### الی سنه دن بری آمریکا

قطعات قدیمه خلقی سینه عادی سرعته لره ترقی ایدیور. آمریکا  
اهالیسی ایسه اکسپرس سرعته لره ایارولیور. بوقضیه نک درجه سختی ارقام  
ایله تعیین ایچون موسیو آدره قارنه ژینک اثر تدقیق اولان ( ..... ) الی  
سنه دن بری آمریکا ) عنوانی تألیفه مراجعت ایدلم.

اول امرده تکرر نفوسی نظر اعتباره آلام. بوالی سنه ظرفنده  
انگلتره اهالیسی ۱۰ میلیون، فرانسه اهالیسی بش میلون، تراید ایتدیگی  
حالد ممالک مجتمعه ده ۳۰ میلیون نفوس آرتمشدر. اگر بو ترقی نفوس یارم

عصر ده دوا م ایدرسه ممالک مجتمعه ده ۱۰۰ میلیون نفوس تعداد اولنه حق  
و برعصر ایچنده بتون اوروپا اقوامی قدر اهالی بی شامل اوله جقدر .  
آمریقا جمهوریتک اهالی حاضره سنک بشده دردی نسلان انگلیز  
اولان آمریقاییلردر . دیگر برقمی ده آلمانلردن مرکبدرکه بونلرک اوج  
میلیونی ۱۸۴۰ دن ۱۸۶۰ سنه سنه قدر قبول اولغشاردر . بیوک بریتانیا  
و آلمانلاردن ماعدا ممالک سائردهن وقوع بولان مهاجرت بالنسبه قیلدر .

## §

نفوس حقدده ویردیگمز علم احوالیه اکتفا اولنوبده آمریقا حکومت  
مجتمعه سنک ثروتنه نقل مقال ایدیلیرسه بوندهده کور یله جک ترقی پک عظیمدر :  
۱۸۵۰ سنه سنده ثروت موجوده ۴۲ میلیارد ۱۵۰ میلیون فرائق  
ایدی . حال بوکه اوتار یخده انگلتره نك ثروتی ۱۱۲ میلیارد ۵۰۰ میلیون  
فرائق یعنی آمریقادن ایکی دفعه دها زیاده ایدی . اوتوز سنه دن عبارت  
برزمان مسئله نك برعکس اولسنه کفایت ایلدی ؛ چونکه ۱۸۸۲ سنه سنده  
انگلتره نك ثروتی ۲۱۸ میلیارد فرائق اولدینی حالده آمریقا ممالک مجتمعه .  
سنک کی ۲۵۰ میلیارد فرائقه بالغ اولدی . بویکونه ۲۸ میلیارد برقیث محافظه  
ایدن آمریقا امتعه تجاریه سی انضمام ایلدیگی حالده ثروت مملکت ۲۷۸  
میلیار فرائق حاصل ایدر .

آمریقا امتعه تجاریه سنک قیتی اولان ۲۸ میلیارد فرائق ایسه عموم  
اوروپا امتعه تجاریه سنک نصفنه قریبدر ؛ زیرا اوروپا نك قیمت امتعه سی ۶۵  
میلیار فرانقدن عبارتدر .

آمریقانك تجارت بحریه سی انگلتره دن صکره برنجی مرتبه بی حائزدر .  
۱۸۸۰ سنه سنده انگلتره نك ۱۸ میلیون و آمریقانك ۹ میلیون طونیلاته  
ایدی که آمریقانك طونیلاته سی فرانسه تجارتنك حاوی اولدینی طونیلاته دن  
۴ دفعه اعظمدر .

آمریقا سفاینی تجارت بحریه ایچون تحمل ایستدکاری نقایانك

مجموعه شدن یوزده ۲۰ آلیز . حال بوکه فرانسه و آلمانیا بودولاب تجارتدن نهایت یوزده ۱۰ قزانه بیلیر .  
 آمریقانک ادخالات و اخراجاتی فرانسه و المانیانک اخراجات و ادخالاتنه معادلدرکه بویکی مملکتک یکن ادخالات و اخراجات یدی بحق میلیار فرانقدن عبارتدر .

آمریقانک تجارت داخلیه سنه گنجیه بوگا هیچ بر مات قیاس اولنه ماز . ممالك محتمه داخلنه شومندوفره نقل اولنان امتعه نك ایکی میلیار یدی یوز الی میلیون فرانق حاصلات و یردیگی موازنه سنویه دن آکلا شمشدرکه بومبلغ انگلتره ، فرانسه و ایالتیانک مجموع حاصلات داخلیه سندن زیاده سیاه عالی بر مقدار ارا نه ایتمکده در .

یالکزر پانسیلوانی شومندوفری انگلتره سفن تجاریه سنک عمومندن عظیم بر مقدار نقلیاتده بولور .

## §

ممالك محتمه نك عسا کر بریه سی همان هیچ منزله سننده در ، یعنی ۲۵ بیك نفر دن عبارتدر . عسا کر بحریه سی ایسه همان یوق دینه جک براده در . حال بوکه بوندن یگر می سنه اول جنوبیلرله اولان محاربه ده و برنجی دعوتده ایکی میلیون و بر سلاح عسکر ۶۲۶ حرب کمیسی جمع ایشیدی .

شمال مظفریتدن بر قاج آی صکره بومدهش اردو اهالی به قرشمش و یالکزر بر خاطره سی قالمشدر .

## §

الی سنه اول هیچ بر شندوفری بولغیان آمریکا ۱۸۸۵ سنه سنده ۲۰۶،۰۰۰ کیلومتره طولنده بر خطه مالك اولمشدر . عموم اوروپاده ایسه ۱۸۳،۹۱۰ کیلومتره در . دنیا ده موجود اولان شندوفر خطوطی ۴۵،۲۸۰ کیلومتره اولوب بوده آمریکا تیمور بوللرینک ضعیفدر . بوندن ماعدا آمریکا لیلر

هرسه تیمور بولی انشا ایتمکده درلر. یگر می سنه به وارماز آمریقا تیمور بولاری قطعات سائر خطوطندن دهامدید برطول حاصل ایدر. بوندن ماعدا هیچ برملکتده آمریقادیه سیاحت اولندیگی کبی منتظم و راحت سیاحت اولنه ماز. چونکه آمریقادیه یتاق واغونلری ایجاد اولغشدرکه بونلرله اصلا یورلمقسزین بر بحر محیطدن دیگرینه یدی گون یدی کجهده سیاحت ایدیلور.

## §

شمندوفر دن ماعدا آمریقادیه دنیا نك اڭ بیوك نهرلر دن معدود اولان انهار دخی موجوددر. میسیسیپی نهری حجتاً وولفادن بشقه عموم اوروپا انهارینه مساوی اولوب طولی ۳,۶۲۰ کیلومتره وقابل سیاحت اولان شعباتی دخی ۳۲,۰۰۰ کیلومتره در (هودسون) نهری بخارلی بیوك کیلر ایچون یعنی آلبانییه دگین منصبدن آتلانتیکه قدر اولان ۲۴۰ کیلومتره محلی ایچون قابل سیاحت اولوب دیگر اون ایکی قدر انهار دخی طبق بوجهله در. مشهور ایمانلری اصل ساحل دن پك اوزاقده اولوب ۹,۰۰۰ طوئیه لایهلق برکمی بی دریادن ۲۵۰۰ کیلومتره بعید بر مسافهده، یعنی قرهده گوزمك پك عجیب اولور. طبیعی اولان بومیاه جاریه کمال صنعتله داخل انتظام اولمش و بر برلرینه جدوللرله ربط ایدلمشدر.

۱۸۸۰ ده آمریقادیه برملیار اوچ یوز یگر می بش میلیون قیمتده و ۷,۱۸۹ کیلو متره طولنده جداول موجود ایدی. بوارقام انسانك ذهننه حیرت ویرر.

آمریقا خطوه عظیمه ایله ایلرلیدیگی و خلقی بیان ایتدیگمز درجهده تر اید ایتدیگی والحاصل تجارت و صنعت نقطه نظرندن نتایج عظیمهیه واصل اولدینی و تأدیة دین ایلدیگی ائشاده آوروپا ملتلری تهیئات عسکریه ایچنده حراب اولمقده و بر برلری اوزرینه آتلقده دوام ایتمکده درلر.